



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

16 MAC 2021 (SELASA)



KEMENTERIAN PERDAGANGAN DALAM NEGERI
DAN HAL EHRANG PENGGUNA

KERATAN AKHBAR DAN MEDIA ONLINE (KPDNHEP)

16 MAC 2021 (SELASA)

Tahap kesedaran pengguna tentang hak masih rendah

PUTRAJAYA – Kementerian Perdagangan Dalam Negeri dan Hal Ehwal Pengguna (KPDNHEP) menyasarkan Indeks Pendayaupayaan Pengguna di negara ini dapat ditingkatkan melebihi 85 peratus, dua tahun lagi.

Menterinya, Datuk Seri Alexander Nanta Linggi berkata, buat masa ini, Indeks Pendayaupayaan Pengguna ketika ini berada di peringkat sederhana iaitu 63.1 peratus.

Menurutnya, perkara itu menunjukkan bahawa pengguna di negara ini masih belum menghayati dan mempraktikkan hak-hak mereka sebagai pengguna.

"Kementerian akan terus merangka program advokasi di setiap peringkat masyarakat bagi menangani isu-isu kepenggunaan semasa dan memberi pendidikan kepada pengguna mengenai kelestarian alam sekitar dengan kerjasama badan bukan kerajaan (NGO), komuniti serta masyarakat awam," katanya.

Beliau berkata demikian ketika berucap sempena sambutan Hari Hak-Hak Pengguna Sedunia dan Hari Pengguna Kebangsaan 2021 bertemakan 'Menangani Pencemaran Plastik' menerusi Facebook KPDNHEP semalam.

Mengulas lanjut, Alexander



ALEXANDER

berkata, kementerian telah membangunkan pelbagai inisiatif dalam memperkasakan penggu-

na antaranya Tribunal Tuntutan Pengguna Malaysia (TTPM) yang merupakan satu platform untuk pengguna menfaikan tuntutan tebus rugi bagi pembelian barang dan perkhidmatan.

Beliau berkata, bagi tempoh tahun 2015 sehingga Februari lalu, terdapat sebanyak 32,550 kes pemfailan telah direkodkan melibatkan jumlah tuntutan sebanyak RM176.03 juta.

"Selain itu, kementerian membangunkan aplikasi Price Catcher bagi perbandingan harga barangan dan Aplikasi MySales Tracker untuk memberi kemudahan kepada pengguna membuat

semakan aktiviti jualan murah," ujarnya.

Mengulas mengenai tema Hari Pengguna, Alexander berkata, pencemaran merupakan salah satu isu dan cabaran terbesar yang dihadapi pada masa ini hasil daripada pengurusan buangan yang tidak berhemah dan teratur.

Menurutnya, berdasarkan kajian World Wide Fund for Nature (WWF) pada tahun 2019, Malaysia adalah antara negara tertinggi menggunakan plastik iaitu lebih kurang 16.78 kilogram per individu berbanding negara China, Indonesia, Filipina, Thailand dan Vietnam.

Bekalan telur di pasaran tempatan dijamin mencukupi

HULU TERENGGANU – Bekalan telur di pasaran dijamin mencukupi untuk menampung permintaan orang ramai termasuk pada bulan Ramadan biarpun larangan menjual telur keluaran ladang CES 008 milik syarikat Lay Hong Berhad kerana dicemari bakteria *Salmonella Enteritidis* (SE) dikuat kuasa kerajaan.

Timbalan Menteri Perdagangan Dalam Negeri dan Hal Ehwal Pengguna, Datuk Rosol Wahid berkata, negara mempunyai 50 syarikat pengeluar telur ayam terbesar dan bekalan di pasaran mencukupi



KERATAN Kosmo! semalam.

untuk mampu menampung permintaan orang ramai.

Katanya, sepanjang 1 Mac hingga 7 Mac lalu, pengeluaran telur ayam di Malaysia adalah

sebanyak 206,457,920 biji dengan baki semasa ialah 68,712,011 biji.

"Setakat ini, isu SE tidak memberi kesan terhadap pasaran tempatan dan harga telur juga masih kekal, jadi saya minta pengguna agar tidak melakukan pembelian panik

"Peniaga pula diingatkan agar tidak mengambil kesempatan dengan menaikkan harga telur susulan isu ini kerana tindakan boleh diam- bil di bawah Akta Kawalan Harga dan Anti Pencatutan 2011," katanya.

Beliau ditemui selepas menin- jau jualan kedai runcit bergerak,

Prihatin Mart di pekarangan Masjid Al-Amin Kampung Buluh, di sini se- malam.

Rosol berkata, tindakan tegas mengikut Akta Kawalan Harga dan Anti Pencatutan 2011 boleh diam- bil terhadap peniaga yang sengaja menaikkan harga telur ayam un- tuk mengaut keuntungan mudah.

Dalam perkembangan ber- kaitan, beliau memberitahu sia- satan mendapati Lay Hong hanya mengeksport telur ayam gred A dan B dari Ladang CES 008 untuk pasaran Singapura.

Kosmo! semalam melaporkan

Jabatan Perkhidmatan Veteri- nar mengarahkan telur keluaran Ladang CES 008 milik Lay Hong tidak dibenarkan dijual untuk pasaran tempatan sebagai telur sajian sehingga keputusan siasa- tan diperoleh.

Sebelum ini, Singapura telah mengarahkan empat pengimport untuk menarik balik telur ayam yang dibawa masuk dari sebuah syarikat di Malaysia dari pasa- ran negara itu berikutan pene- muan bakteria SE yang boleh menyebabkan penyakit jika di- makan.

Bekalan telur di pasaran tempatan cukup

HULU TERENGGANU: Kerajaan memberi jaminan bekalan telur di pasaran tempatan tidak terjejas susulan penarikan balik telur keluaran ladang CES 008 milik syarikat Lay Hong Berhad yang dice-mari bakteria *Salmonella Enteritidis* (SE)

Timbalan Menteri Per-dagangan Dalam Negeri dan Hal Ehwal Pengguna, Datuk Rosol Wahid berka-ta, negara mempunyai 50 syarikat pengeluar telur ayam terbesar dan beka-lan di pasaran mencuku-pi untuk menampung permintaan orang ramai termasuk Ramadan.

Katanya, sepanjang 1 hingga 7 Mac, pengelua-ran telur ayam di Malaysia sebanyak 206,457,920 biji dengan baki semasa 68,712,011 biji.

“Setakat ini, isu SE ti-dak memberi kesan terha-dap pasaran tempatan dan harga telur juga masih ke-kal, jadi saya minta peng-guna tidak melakukan pembelian panik.

“Peniaga pula diingat-kan tidak mengambil kesempatan dengan menaikkan harga telur susulan isu ini kerana tindakan boleh diambil di bawah Akta Kawalan Harga dan Anti Pencatu-tan 2011,” katanya kepada pemberita selepas me-ninjau jualan kedai runcit bergerak, Prihatin Mart di pekarangan Masjid Al-Amin Kampung Buluh, di sini semalam.

Kelmarin, Singapura arah empat pengim-port menarik balik telur yang dihasilkan syarikat terbabit sebagai langkah berjaga-jaga berikutan penemuan SE yang boleh menyebabkan penyakit jika makanan itu dima-kan secara mentah atau separuh masak.

Dalam perkembangan lain, Rosol berkata, ke-menterian tidak pernah melantik mana-mana orang tengah atau ejen bagi mendapatkan lesen jualan langsung.

Pengguna lega harga telur turun

Kuala Lumpur: Rata-rata pengguna lega apabila harga sepapan telur mengikut gred di pasaran diturunkan sehingga 80 sen.

Peniaga gerai makan, Atan Mulut, 55, berkata, harga telur sejak semalam turun berbanding minggu sebelumnya.

"Telur sejak semalam murah, kalau nak kira satu biji, harga turun sehingga dua dan tiga sen bergantung kepada gred.

"Ia memberi kesan kepada kami sebagai peniaga dan berharap isu penarikan semula telur di Singapura tidak menjejaskan harga telur kerana kami peniaga gerai makanan baru memulakan perniagaan dengan kapasiti penuh," katanya, semalam.

Sementara itu, peniaga kek dalam talian, Farahin Abd Rahman, 32, berkata, beliau turut berharap isu telur di Singapura tidak menjejaskan harga bekalan makanan itu.

"Saya bimbang dengan isu itu jika tiba-tiba harga naik tidak masuk akal.

"Kami peniaga antara yang paling terjejas jika ia berlaku kerana menanggung kos pengeluaran yang tinggi. Saya juga tidak mahu meningkatkan harga jualan kek kerana bimbang pelanggan lari dan akhirnya pasrah sedikit untung," katanya.

Semalam, Kementerian Perdagangan Dalam Negeri dan Hal Ehwal Pengguna (KPDNHEP) membuat penilaian kesan terhadap bekalan telur di pasaran domestik dengan kerjasama



ATAN



FARAHIN

Jabatan Perkhidmatan Veterinar (JPV) dan Kementerian Kesihatan Malaysia (KKM).

Ia susulan arahan Singapura bagi empat pengimport menarik balik telur oleh syarikat Malaysia.

Bahagian Penguatkuasa KPDNHEP dalam satu kenyataan dilaporkan berkata, kementerian itu maklum dengan arahan itu yang dikeluarkan Singapura kepada empat pengimport susulan dakwaan penemuan *Salmella Enteritidis* (SE) seperti dilaporkan media.

Senarai Harga Barang Keperluan	
Ayam	RM5.99
Daging Lembu Tempatan	RM34
Daging Lembu Import	RM18.90
Telur Gred A	RM7.99
Ikan Kembung	RM9.99
Minyak Masak	RM5.30
Gula Pasir	RM2.85
Bawang Besar Holland	RM2.89
Bawang Putih	RM5.90
Cili Merah	RM8.49
Kubis Bulat Tempatan	RM3.50
Tepung Gandum	RM2.15

*Harga (RM/kg) Sumber: KPDNHEP